

یوہ آکا شوانی جموں ہے محمد اکرم تیں خبر سُنو۔

JATINDRA PENSION

مرکزی وزیر ڈاکٹر جتندر سنگھ نے کل نویں دلی مانہ 14 ویں آل انڈیا پنشن عدالت کی صدارت کی پروگرام گئے دوران اُنہاں نے پنشنز کا مسائل سُنیا متاثرہ پنشنراں وچوں جموں کشمیر نال تعلق رکھن آلا ریٹائرڈ لیفٹیننٹ بلیئر سنگھ نال گل بات کرتا واں وزیر موصوف نانہہ جاناگری ملی کہ اُن کی معزوری پنشن اجوں باقی ہے ایک وقف شدہ جواب مانہہ 46 اشاریہ 4 لکھ روپیاں گا بقیہ جات مستفیدان واسطے فوری طور جاری کیا گیا مرکزی وزیر نے ایک سماجی میڈیا پوسٹ مانہہ کہیو ہے کہ وزیر اعظم نریندر مودی کی قیادت مانہہ یوہ نوو بھارت ہے جت تاخیر نہیں بلکہ کم کیو جے۔

UNION TEXTILE SECY

مرکزی کپڑھ بارے سیکرٹری نیلم شامی راؤ نے ہتھ نال بُنی کالین کی بنائی گا منفرد بند نانہہ فروغ دین تے اُس نانہہ بحال کرن واسطے حکومت گا عزم غو اعدو کی وے اُنہاں نے یاہ گل قالین تکنیک بارے بھارتی ادارہ یعنی انڈین انسٹیٹیوٹ آف کارپیٹ ٹیکنالوجی کیمپس سرینگر مانہہ مربوط اون ترقیات پروگرام گیتحت کاریگراں مانہہ جدید سٹیل قالین کھڈی تقسیم کرتا واں کئی اپنا خطاب مانہہ مرکزی سیکرٹری ن یوٹی حکومت کی حوصلہ افزائی کی کہ وے ہتھ کھڈی کی وزارت نانہہ خاص طورور جانچ تے تعریق کی سہولیات گو درجو کران واسطے مزید تجویر پیش کریں۔

RANA TRIBALS

قبائلی علاقہ مانہہ جامع تے پائیداد ترقی کی بنیاد گا طور ور غیر مرکزی تے شراکتی منصوبہ بندی کی اہمیت نانہہ دہراتا واں قبائلی امور گا وزیر جاوید رانا نے کہی و کہ زمینی سطح ور برادریاں نانہہ باختیار بنانو ضروری ہے اُنہاں نے کہی و کہ مقامی قانون سازاں کی شمولیت اس گل ناہہ یقینی بنان واسطے ضروری ہے کہ حکومتی اقدامات جوابدہ تے موثر وین جناب رانا نے یاہ گل اننت ناگ مانہہ ایک قبائلی کانفرنس نال خطاب مانہہ کہی اُنہاں نے قبائلی امور گا محکمہ کی بنیادی ترجیحات غو خاکو پیش کیو جس مانہہ صحت کی دیکھ بھال ناہہ مضبوط بنانو تعلیمی رسائی نانہہ بہتر بنانو دیہی تے ڈیجیٹل رابطہ نانہہ بدانو شاملے اس گے نال بے وزیر موصوف نے نقصانات گا جائزہ کی خاطر اننت ناگ گا کئی سیلاب تیں متاثرہ گرایاں جن مانہہ یشوارہ کھانبل، نتھ پورا، ہر ناگ، وانپولی، لارم تے متعلقہ علاقہ گو ایک وسیع دورو لائیو۔

CS HEALTH CARE

چیف سیکرٹری اٹل ڈلو نے اج جموں کشمیر مانہہ صحت غا بنیادی ڈھانچہ نانہہ مضبوط بنان غا طریقہ تلاش کرن خاطر مرکزی صحت سیکرٹری سنگ ایک بڑی میٹنگ کی۔ اُنہاں نے ایم بی ایس غی تعداد مانہہ اضافہ ور اظہار خصوصہ کورس مانہہ متعارف کران تے طبعی کالجاں مانہہ نشستل نانہہ بدھان خاطر تعاون طلب کیو میٹنگ مانہہ ایمز آوانتی پورہ کی ویلے سر تکمیل تے ایمز جموں کی توسیع ور وی تبادلہ خیال کیو گیو۔ مرکز کی طرفوں چلایا جان آلا صحت کماں کی پیش رفت تے سرکاری طبعی کالجاں مانہہ دیکھ بھال نانہہ بہتر بنان گو وی جائیزو لیو گیو۔ اُنہاں نے جموں تے سرینگر مانہہ پُرانا سرکاری میڈیکل کالجاں مانہہ بنیادی ڈھانچہ کی درجہ بندی کماں گو منصوبہ وار جائیزو لیو۔

DODA TENSE

ضلع ڈوڈہ تے اُس تیں نال جڑتا علاقہ مانہہ گزشتہ روز کشیدگی گا واقعات رونما ہوا ہیں کیونکہ مظاہرین تے حفاظتی اہلکاراں گے درمیان پر تشدد جھڑپ ہوئی ہیں جھڑی جموں کشمیر مانہہ عام آدمی پارٹی گا ایکلا ایم ایل اے مہاراج ملک ناہہ پبلک سیفٹی ایکٹ گے تحت حراست مانہہ لین تیں بعد شروع ہووے واضع رہ جے مہراج ملک ڈوڈہ اسمبلی حلقہ کی نمائندگی کرے آکاشوانی جموں گا نامہ نگار نے اطلاع دی ہے کہ احتجاج بدھوار نانہہ شروع ہووے ضلع بھر مانہہ جاری رہیو اطلاع غے مطابق پولیس نے مظاہرین ور لاٹھی چارج کی تے ہجوم نانہہ مشترکہ کرن واسطے آنسو گیس گو استعمال کیو اس دوران امتحانی احکامات نافذ کردتا گیا ہیں تے حساس علاقہ مانہہ اضافی سکیورٹی فورسز تعینات کی گئی ہے۔

GST REFORMS

جموں کشمیر گا رہائشیاں تے تاجراں نے حکومت کی طرفوں اعلان کردہ جی ایس ٹی کی شرح مانہہ حالیہ کمی گو خیر مقدم کیو تے اس نال متوسط طبقہ واسطے گھریلو برقی اشیاء نانہہ مزید سستو بنان مانہہ مدد ملی ہے اگلی نسل جی ایس ٹی اصلاحات گے تحت حکومت گھریلو برقی اشیاء نانہہ

درميانه درجه گا طبقه واسطے مزید سستو بنا گے اہم راحت فراہم کی ہے جن مانہہ ایر کنڈیشنر، ڈش
واشر، ایل سی ڈی، ایل ای ڈی، ٹیلی ویژن ور جی اسی ٹی شرح نانہہ 28 فی صد توں کہٹ کر گے 18 فی
صد کیوگیو ہے۔

NEWS READ BY MOHD AKRAM
NEWS EDITOR KUNAL SHRIVATSA
SKILLED RAJAT
TECH ASST PALLAVI
DEO NUSRAT